

AKHBAR : THE MALAYSIAN INSIGHT

MUKA SURAT : ONLINE

TARIKH : 24 NOVEMBER 2021

HARI : RABU

SENTIMEN : NEUTRAL

THE MALAYSIAN INSIGHT

Berita

BAJET 2022  
Keluarga Malaysia Mampu Saja

https://i

## Lebih 500,000 peminjam PTPTN tidak pernah buat bayaran balik pinjaman

Dikemas kini 17 jam yang lalu · Diterbitkan pada 24 Nov 2021 10:15PM · 0 Komen



f t g e ...  
Lain Lagi

KUALA LUMPUR – Seramai 539,284 peminjam Perbadanan Tabung Pendidikan Tinggi Nasional (PTPTN) tidak pernah membuat bayaran balik setakat 30 Sept lepas, menurut Kementerian Pengajian Tinggi (KPT).

KPT dalam jawapan yang disiarkan di laman sesawang Parlimen hari ini memaklumkan, jumlah itu adalah daripada 2,424,009 orang peminjam yang telah menamatkan pengajian dan patut mula membayar balik pinjaman mereka yang berjumlah hampir RM24.6 bilion.

“Daripada jumlah itu seramai 1,884,725 orang peminjam telah membuat bayaran balik dengan 751,216 peminjam telah menyelesaikan pinjaman.

“Seramai 427,861 peminjam sedang membuat bayaran balik secara konsisten mengikut jadual bayaran balik, manakala 705,648 peminjam membuat bayaran balik namun secara tidak konsisten,” menurut kementerian itu.

KPT menjawab persoalan Datuk Salim Sharif (BN-Jempol) yang ingin tahu bilangan peminjam yang masih berhutang dengan PTPTN dan jumlah kewangan yang terlibat.

Menurut kementerian itu lagi, sehingga 30 Sept lepas, PTPTN meluluskan pinjaman kepada lebih 3.5 juta peminjam dengan jumlah pengeluaran lebih RM64.8 bilion. – MalaysiaGazette

<https://www.themalaysianinsight.com/bahasa/s/353023>